

ՏԱՂԱՆԴԱՎՈՐ ԼԵԶՎԱԲԱՆՆ ՈՒ ՄԵԾ ՄԱՍԿԱՎԱՐԺԸ
(ՀՀ ԳԱԱ թղթակից անդամ Աշոտ Արսենի Աբրահամյանի
ծննդյան 90-ամյակին)

Աշոտ Աբրահամյանը բավականին շուտ է հեռացել կյանքից: Նա դեռ ծրագրած զիտական կարևոր անելիքներ ուներ, որոնցով կհարստացներ հայ լեզվարանական միտքը: Ծնվել է 1918-ին Սևանի շրջանի Գեղամավան գյուղում: Ինչպես ինքն էր սիրում հպարտությամբ նշել, եղել է տոհմիկ հողագործի որդի: 1937 թ. ուսուցիչ, ապա ուսմասվար և դիրեկտոր է եղել Հրազդանի շրջանի դպրոցներում: Աշխատելուն գուգընթաց բարձրագույն կրթություն է ստացել Երևանի հեռակա մանկավարժական ինստիտուտում: 1948 թվականից բանափրական զիտությունների թեկնածու էր, իսկ 1963-ից՝ դոկտոր: 1950-59 թթ. պաշտոնավարել է ՀՍՍՀ ԳԱ Հր. Աճառյանի անվան լեզվի ինստիտուտում իրեն ժամանակակից հայոց լեզվի բաժնի վարիչ, միաժամանակ դասավանդել Խ. Արովյանի անվան հայկական պետական մանկավարժական ինստիտուտում ժամանակակից հայոց լեզու, գրաբար, լեզվաբանության ներածություն



առարկաները: Երկար տարիներ, մինչև իր անժամանակ և հանկարծակի մահը (1985 թ.), եղել է մանկավարժական ինստիտուտի հայոց լեզվի և նրա դասավանդման մեթոդիկայի ամբիոնի վարիչը:

Ա. Աբրահամյանը բեղմնավոր լեզվարան էր: Նրա գրաբարի ձեռնարկը, որը լույս տեսավ 1952-ին, հիանալի դասագիրը է բոլոր նրանց համար, ովքեր նպատակադրվել են սովորել ու յուրացնել մեր հնամենի լեզուն՝ գրաբարը: Այն մեծ տպաքանակով վերահրատարակվել է 4 անգամ և եղել է Հայաստանի բուհերի հումանիտար ֆակուլտետների ուսանողության սիրելի դասագիրը, իսկ որոշ հայագետների՝ սեղանի գիրքը:

Ա. Աբրահամյանը հիանալի զիտեր ոչ միայն գրաբարը, այլև իր ուշադրության կենտրոնում էր պահում արդի հայերենը, որոնց նվիրել է երկու հիմնարար ուսումնասիրություններ՝ «Հայերենի դերբայները և նրանց ձևաբանական նշանակությունը» (1953) ու «Բայր Ժամանակակից հայերենում» (հ. 1, 1963): Նրա բազմաթիվ հոդվածներում քննվել են հայերենի պատմական հնյունաբանությունը և բառաքննությունը:

Ա. Աբրահամյանի մեծագույն ծառայությունը հայագիտությանը եղել և մնում է հայ միջնադարի երկու մեծարժեք մատյանների աշխարհաբար անթերի թարգմանությունը: 1971-ին լույս է տեսնում Եզնիկ Կողբացու «Եղծ աղանդոցը» նրա թարգմանությամբ, որին կցված են զիտական առաջարան և հմուտ ծանոթագրություններ: Անվանի լեզվարանն ընթերցողին մատուցել է զիտական թարգմանություն, որը V դարի հուշարձանի համարժեք տարրերակն է՝ XX դարի հայ լեզվամտածողական դրանորմամբ: Թարգմանությունը կատարվել է համեմատական քննությամբ մինչ այդ եղած այլալեզու թարգմանությունների և դրանց կցված ծանոթագրությունների հետ: Ա. Աբրահամյանը ծանոթացել է զրադաշտական կրոնի հետ կապված զիտական գրականությանը, անտիկ շրջանի հույն փիլիսոփաների ուսմունքներին, Սիհիթարյան հայրերի՝ Եզնիկ Կողբացու երկերին տրված մեկնություններին և արդյունքը ստացվել է գերազանց: Թարգմանության մեջ վարպետորեն է պահպանվել նաև Եզնիկի բնագրի բացառիկ հմայքը, հայ փիլիսոփայի կուր տրամաբանությունը և վիճարագույն արվեստը:

Թարգմանական երկրորդ հուշարձանն առավել ծավալուն մատյան է. այն Ստեփանոս Օրբելյանի «Սյունիքի պատմության» դասական թարգմանությունն է: Այս երկը ներկայացնող առաջարանում թարգմանիչը խոսում է այդ պատմության այլալեզու թարգմանությունների մասին: Օրբելյանի «Սյունիքի պատմություն» առաջին անգամ թարգմանվել է լատիներեն (1717, Բեռլին): Նրա ֆրանսերեն թարգմանիչներն են եղել Սեն-Մարտենը և Մարի Բրուսեն: Վերջինիս թարգմանությունը հենվում էր առավել քննախույզ ուսումնասիրության վրա և այս առումով երևույթ էր հայագիտության մեջ: Օրբելյանի երկը թարգմանվել է նաև ոռուերեն ու վրացերեն: Հայերեն աշխարհաբարը թարգմանվել է ահա այս բազմալեզու հրապարակումներից տարիներ անց և իրականացվել միջնադարյան մեծերի ու դասական բանասերների հասուկ խոստովանությունը հիշեցնող հետևյալ բացատրությամբ. «Գալով ներկա աշխարհաբարը թարգմանության հանգամանքներին՝ պեսոք է խոստովանենք, որ շատ վաղուց, դեռ մեր ուսումնառության տարիներից, զարմանքով ու ափսոսանքով էինք զգում այս չափազանց արժեքավոր բնագրի թարգմանության բացը: Երջանիկ ենք, որ դրա վավերացումն ի վերջո բաժին ընկալ մեզ: Այն սիրով հանձն առանք և գլուխ բերեցինք ծանր աշխատանքով, ու, մանավանդ, շատ կարևոր ժամանակի ծախումնով: Հատուցումք կլինի այն, որ մեր օրերի հետաքրքրասեր ընթերցողը նրանից կօգտվի իրեն հասկանալի լեզվով»¹:

Թարգմանության ծանոթագրությունները, որոնք խիստ մանրատառ են, զբանացնում են գրքի 405–549 էջերը, թվաքանակով հասնում են 1778-ի: Դրանց հիմքում ընկած են գրքի այլալեզու թարգմանությունների հեղինակների բացատրությունները, որոնք թարգմանչի քննական հայացքի առաջ ընդունվում են, մերժվում, լրացվում, ճշգրտվում: Քանի որ հեղինակն ունեցել է հնարավորություն շրջագայելու Սյունիքի պատմական նահանգում, չի զլացել անձամբ այցելել պատմական հուշարձանները, սեփական աչքով տեսնել Ստեփանոս Օրբելյանի երկում պատ-

¹ Ստ. Օրբելյան. Սյունիքի պատմություն, Երևան, 1986, էջ 61:

կերպած տեղանքը, կարդալ արձանագրությունները, զգալ վաղնջական ժամանակների առարկայական շունչը:

Թարգմանության առաջարանը հետազոտական առումով բաժանված է կարևոր ենթարաժինների, որոնք պարզում են մատենագրական այդ գլուխգործոցի ստեղծման դրդապատճառները, սկզբնաղբյուրները, ժամանակային ընդգրկումն ու պատմագիտական արժեքը, երկի լեզուն ու ոճը, պատմագիտական մյուս երկերը:

Ա. Արքահամյանը խոստովանում է, թե Ստեփանոս Օքքեյանի մատենագրական այս գլուխգործոցը հետաքրքրական և արժեքավոր է նաև լեզվի ու ոճի կողմից, թերևս արժանի այս առումով մի ուրիշ, առանձին ուսումնասիրության: Սակայն, նկատի ունենալով տեղի աղությունը, նա կատարում է համառոտ քննություն: Պատմությունը գրված է գրաբարով, որի վրա երևում է պատմիչի ապրած ժամանակի կնիքը, և նրա մեջ ներմուծվել են աշխարհաբար բարբառային տարրեր:

Ա. Արքահամյանի այս խոսուն նկատումը վերստին հաստատում է, թե ամեն ազգի կենդանի լեզու «հոսանուտ է» ու ենթակա ժամանակի ներգործությանը: Նա բերում է պատմության բնագրային երկու տարբեր հատվածներ, որոնցից մեկը կանոնավոր գրաբար է, մյուսում երևում է աշխարհաբարի շունչը: Թարգմանիչը ուշադրություն է հրավիրում միջնադարյան հեղինակի կողմից նորակազմ բառերի գործածությանը. այս նորակերտումները զգալի թիվ են կազմում: Դրանցից են՝ աղիսաբարտար, արբելութիւն, բոլորապոյր, բոցաթոյն, գետավարար, խակալիրթ, ծնրահանգոյց, ծովամատոյց, հրաշագիտակ, մեծանձնյա, մոմոանք, սովամածոյց, փարթամարնակ, հաստատագիծ, անգրաւոր: Որոշ բառեր պատմիչն օգտագործել է մինչ այդ չօգտագործված իմաստով: Այդ բառերն են՝ պարարտութիւն, միազլուխ, գայլապատառ, թիթեղնակապ, կամարակապ և այլն:

Բարբառային ձևեր են զեղ (զիւղ), եղ (յուղ), կարմունջ (կամուրջ), դեն (կողմ), փրթուած (փլվածք), մատակ (մայր առու), մին (մեկ):

Նկատելի թիվ են կազմում օտար բառերը, որոնց գերակշիռ մասն անցել է հունարենից՝ աղաբողոն, անազանոս, արքեպիսկոպոս, դիակոն, եպիսկոպոս, կղերիկոս, հիւպատոս, մետրոպոլիտ, ողիմպիադ, ուրար, պենտեկոստէ, տրապեզ, փակեղն, քարտես, քորեպիսկոպոս և այլն:

Արաբական բառերից և իրանյան բառերից են՝ թարուտ (թափուտ), խիլայել, խիսար (խսար), հալալ, հարամ, մէջան, շեխ (շեյխ), սուլտան (սուլթան), ջավահիր և այլն: Իրանական բառերից են՝ ամիրսպասալար, դահեկան, դաւթար, թարխան, փեղամբար, փարման և այլն:

Կան մոնղոլ-թաթարական, թուրքական բառեր՝ ենչու (ինչու), մանղլայ, նոյին, դուման (ծուման), ետուեխ, դան, պախաղ, աթարէկ, բալհշ:

Փոխառություններ կան նաև ֆրանսերենից՝ բրինձ (prince), գոնք (conte) և այլն: Կան նաև վրացերենից անցած մի բանի բառեր:

Ստեփանոս Օքքեյանի պատմության առանձին հատվածներ թարգմանված են գրաբարյան բնագրին համարժեք աշխարհաբարով, պահպանված է հին մտածողության ձևային կողմը, տեսանելի և հոգևոր հասկացությունները ներկայացնելու

ոչ սովորական ձևերը, պատմական անցքերը պատկերելու միջնադարյան մտածելակերպը, աստվածաշնչային ձևակերպումները:

Գեղարվեստորեն են թարգմանված երկում եղած տեսիլներն ու հրաշքները ներկայացնող հասովածները, որոնցում անտեսված չեն եկեղեցական գրականության այդ տեսակների պոետիկայի առանձնահատկությունները:

Աշուտ Աբրահամյանը նաև մեծ մանկավարժ էր: Իր ողջ կյանքում նա դասավանդել է, ուրախացել ու հպարտացել լավագույն ուսանողների ու աշակերտների առաջադիմությամբ: Ես եղել եմ նրա ուսանողը, նրանից եմ սովորել լեզվաբանության ներածության դասընթացը, ապա գրաբարը ոչ միայն բուհում, այլև ասպիրանտուրայում: Ա. Աբրահամյանը նվիրյալ էր մանկավարժությանը, նա խստապահանջ էր, հատկապես չէր ներում այն ուսանողներին, ովքեր ընդունակ էին. նա նրանցից պահանջում էր ավելին:

Ա. Աբրահամյանն օժտված էր բացառիկ հումորով, որը հատուկ էր միայն իրեն, սիրում էր կյանքը, Հայաստանը, ուրախանում հայ ժողովրդի ցանկացած հաջողությամբ: Այս իրողությունների առհավատցյան ոչ միայն նրա քաղաքացիական, մարդկային ու մանկավարժական պահվածքն էր, այլև այն փաստերը, որոնք առկա են նրա օրագրության էջերում, նաև ոչ մասնագիտական հոդվածներում: 1987-ի մարտի 7-ին Երևանի մետրոպոլիտենի շահագործման առիթով իր օրագրում գրում է: «Ժողովրդիս համար մեծ տոն է: Բոլորս ցնծության մեջ ենք: Դրանով մեր սիրելի մայրաքաղաքը ոչ միայն էլ ավելի է շենանում, այլև ժամանակ ակից մեծ քաղաքի վկայական է ստանում, կանգնում է հոչակավոր քաղաքների կողքին մեկ զծի վրա»:

1981-ի ապրիլի 10-ին 1977-ից ՀՀ ԳԱԱ թղթակից անդամ Ա. Աբրահամյանը, որն արդեն գիտության վաստակավոր գործիչ էր, գիտությունների ակադեմիայի լեզվի ինստիտուտում հայ մատենագիրների համարարքաոր կազմելու աշխատանքները դեկավարելու համար ՀՀ ԳԱԱ պրեզիդենտ Վիկտոր Համբարձումյանի ձեռքից ստանում է իր «Վաստակագիրը»: Նա հպարտ էր, որ այդ պարզեն իրեն անձամբ հանձնում է աշխարհահոչակ գիտնականը:

Տարրեր տարիների և տարրեր առիթներով Ա. Աբրահամյանը ուշագրավ հոդվածներ է նվիրել մեր արվեստի ու գրականության երևելի դեմքերին՝ Մարտիրոս Սարյանին, Առն Բարաշանյանին, Սուշեղ Գալշոյանին և ուրիշների:

Երիտասարդ տարիներին գրել է բանաստեղծություններ: Մշտապես հպարտ է եղել իր դուստրերով, գործընկերներով ու սաներով: Նրան որպես տաղանդավոր լեզվաբանի բարձր են գնահատել ՀՀ ԳԱԱ ակադեմիկոսներ Էդուարդ Աղայանը, Արարատ Ղարիբյանը, բանասիրության դոկտորներ Վաղարշակ Քոյանը, Ալեքսանդր Մարգարյանը: Գրիգոր Նարեկացու Մատյանի գիտաքննական բնագրի հեղինակները՝ անվանի նարեկացիագետներ Պողոս Խաչատրյանն ու Արշալույ Ղաղինյանը, հատուկ խանդադատանքով էին հիշում իրենց ասպիրանտական շրջանում գրաբարյան գանձերի մեջ խորանալը Աշուտ Աբրահամյանի դեկավարությամբ:

1981 թ. մայիսի 19-ին Վիլյամ Սարոյանի մահվան առիթով Աշուտ Աբրահամյանն իր օրագրում գրում է: «Ճիշտ է, մեծ գրողը ընդհանուր մարդկությանը բաշ-

իւեց իր հոգու անհուն հարստությունները, բայց ո՞ր զրականության պատմության մեջ պիտի մնա: Այո՛, այդպիսի մեծությունները պատկանում են հանուր մարդկությանը, բայց այս ընդհանրացումը, վերջիվերջո, վերացական բան է: Չկա վերացական համաշխարհային մեծություն: Յուրաքանչյուր համաշխարհային դեմք նախ և առաջ որեւէ ազգի է պատկանում»:

Աշուտ Աբրահամյանն ունի շատ աշակերտներ, որոնք իրենց ուժերի ներածին շափով նվիրված են մանկավարժությանն ու գիտությանը: Նրանք իրենց սրտում մշտապես պահելու են սիրելի ուսուցչապետի լուսավոր կերպարը, առաջնորդվելու են նրա պատզամներով, հպարտանալու են նրա գիտական մնայուն ժառանգությամբ, որը միջազգային հայագիտության մեջ ունի իր տեղը:

ԱԵԼԻՏԱ ԴՈԼՈՒԽԱՆՅԱՆ